

# Starfsáætlun Ása 2014-2015

Skjal sótt af '000000000000' dags: 25.03 2026

Leikskólinn Ásar  
Bergási 1  
210 Garðabæ  
Sími 564 0200  
[asar@hjalli.is](mailto:asar@hjalli.is)

Leikskólinn litlu Ásar  
Vífilsstaðavegi 118  
210 Garðabæ  
Sími 564 0212  
[litluasar@hjalli.is](mailto:litluasar@hjalli.is)

## Um leikskólann

Starfsáætlun þessi gildir bæði fyrir leikskólann Ása og Litlu Ása. Skólastjóri á komandi starfsári er Gróa Margrét Finnsdóttir fyrir Ása og Erna Káradóttir Litlu Ása. Skólaárið 2014 til 2015 er 13 starfsár leikskólans. Leikskólinn er rekinn af Hjallastefnunni ehf. samkvæmt þjónustusamningi við Garðabæ.

Starfsstefna þessi gildir fyrir Ása og Litlu Ása en til einföldunar er talað um Ása í starfsstefnunni og vísar það til beggja skólanna.

Starfsáætlun þessi tekur gildi þann 1. september 2014 og er skilað til Hjallastefnunnar ehf. og Garðabæjar.

## Tölulegar upplýsingar - börn

Fjöldi barna er áætlaður 156 börn, 78 stúlkur og 78 drengir. Dvalarstundir eru ekki enn endanlega fastsettar svo snemma að hausti en að svo stöddu eru flest börnin í 8 tíma vistun eða meira eða alls 154 börn.

Fjöldi þeirra barna sem fyrirsjáanlegt er að njóti sérkennslu er 4 börn. Auk nokkra barna sem þurfa almenna málörvun.

Ekkert barn er með tvö tungumál.

## Starfsmannamál

Starfsmenn leikskólans Ása næsta skólaár verða 31 talsins í 27 stöðugildum. Á Litlu Ásum eru 18 starfsmenn í 15 stöðugildum. Þetta getur þó breyst þegar vistunartími barnanna er endanlega staðfestur og þörf fyrir sérkennslu hefur endanlega verið metin. Hjallastefnan stendur fyrir öflugu samstarfi allra Hjallastefnuskóla um starfsþróun og símenntun starfsfólks en að auki gefst starfsfólki kostur á að sækja sér menntun og starfsþekkingu úr öðrum áttum og hvetur leikskólinn Ásar starfsfólk sitt eindregið til þess. Um starfsþróun og símenntun má nánar lesa í símenntunaráætlun leikskólans.

## Faglegar áherslur

Leikskólinn Ásar starfar eftir hugmyndafræði Hjallastefnunnar. Hugmyndafræðin byggir í stórum dráttum á hugsjónum um jafnrétti og velferð og henni er lýst í skólanámskrá leikskólans, í bókinni „Æfingin skapar meistarann“ eftir Margréti Pálu Ólafsdóttur höfund stefnunnar, í ýmsum ritum útgefnunum af Hjallastefnunni ehf. og á fræðsluvef félagsins.

Leikskólinn starfar að sjálfsögðu einnig á grundvelli Aðalnámskrár leikskóla frá árinu 2011 og er útfærslum á markmiðum hennar lýst í skólanámskrá leikskólans.

Auk Hjallastefnunnar og lögbundinna áherslupátta í Aðalnámskrá leikskóla á leikskólinn Ásar sér sínar sérstöku áherslur: Enska, jógakennsla og einnig munu Ásar vera með þróunarverkefnið Leikur að læra.

Nánari útfærslu á fagstarfi, hugmyndafræði, markmiðum og leiðum má sjá í skólanámskrá Ása.

## Mat og umbætur

Leikskólinn Ásar stendur á hverju ári fyrir umfangsmiklu innra mati sem að nokkru er hluti af reglubundnu innra eftirliti Hjallastefnunnar ehf. s.s. spurningakönnun fyrir foreldra, spurningakönnun fyrir starfsfólk, athugun á lögbundnum gögnum skólans og rekstrarskoðun útisvæðis, en að nokkru er innra matið einungis á vegum leikskólans og er notað innan veggja hans, s.s. gátlistar fyrir foreldraviðtöl, skráning á vali og úrvinnsla úr hópatímaskráningu. Á grundvelli niðurstaðna úr innra mati hver skólaárs vinnur leikskólinn umbótaáætlun. Ítarlega útlistun á innra mati leikskólans og umbótaáætlun má finna í skýrslu hans um innra mat.

Ytra mat á skólastarfinu er í höndum sveitarfélags og Menningar- og menntamálaráðuneytis. Garðabær gerir á ári hverju könnun meðal foreldra á gæðum þeirrar þjónustu sem leikskólinn veitir. Þetta starfsár er fyrirhugað að gera könnunina í nóvember mánuði. Heilbrigðisyfirvöld kanna aðstæður í leikskólanum reglulega og útisvæðið er aðalskoðað af faggildum aðila árlega.

## Samstarf við grenndarsamfélag

Leikskólinn Ásar leggur sig fram um góð samskipti við grenndarsamfélagið. Ásar hafa tekið þátt í listadögum í Garðabæ ásamt því að heimsækja helstu stofnanir s.s. bókasafn, kirkju fyrir jólin, Hönnunarsafn Íslands sem og vinaskólana okkar að Vífilstöðum.

## Samstarf við fjölskyldur

Leikskólar Hjallastefnunnar setja samstarf við foreldra og fjölskyldur leikskólabarnanna í öndvegi. Leikskólinn Ásar stendur reglulega fyrir atburðum sem efla samstarf leikskólans og heimilisins auk þess sem óreglulegum uppákomum sem tengja fjölskyldur við leikskólann er fagnað. Á komandi skólaári eru fyrirhugað að halda foreldrafund í ágúst, fjölskyldumorgna í nóvember og febrúar, foreldraviðtöl í október og mars. Í maí þá er farið í sveitaferð með börnum og foreldrum. Síðan er foreldrum boðið á sumarhátíð í kringum afmæli skólans sem er 19. júní.

Foreldraráð þriggja foreldra er starfandi við skólann og er hluti af stjórnkerfi leikskólans. Í foreldraráðið er kosið í september ár hvert á opnum foreldrafundi. Foreldraráð fundar að minnsta kosti tvisvar á starfsárinu og gefur umsögn um starfáætlun og skóladagatal svo og skólanámskrá leikskólans.

Foreldrafélag er einnig starfandi í tengslum við skólann og stendur það fyrir margvíslegum uppákomum sem gleðja börnin s.s. vorhátíð, leikritum og fleiru.

Upplýsingar um dagsetningar helstu viðburða í foreldrasamstarfi er að finna í meðfylgjandi skóladagatali.

## Skóladagatal

Meðfylgjandi er skóladagatal fyrir skólaárið en það tekur einhverjum breytingum sem eru uppfærðar jafn óðum á vefútgáfu skóladagatalsins á Hjallavefnum: [www.hjalli.is](http://www.hjalli.is)